



Na osnovu člana 99. stav 1. Zakona o visokom obrazovanju u Brčko distriktu BiH („Službeni glasnik Brčko distrikta BiH“, broj: 30/09, 29/18, 16/20 i 44/22), člana 2. stav 2. i člana 22. stav 1 tačka o) Statuta Univerziteta „Privredna akademija“ Brčko distrikt BiH, broj: 10-01-1/23 od 16.10.2023. godine, Senat Univerziteta na sjednici održanoj dana 30.5.2024. godine donio je Odluku broj 10-01-49/24 kojom se r a s p i s u j e

J A V N I K O N K U R S
za upis studenata na akademske studije
Univerziteta „Privredna akademija“ Brčko distrikt BiH
u studijskoj 2024/2025. godini

USLOVI ZA UPIS

Član 1.

Javni konkurs se raspisuje za upis u prvu godinu za I., II. i III. ciklus studija u studijskoj 2024/2025. godini, koji se organizuje na Poslovnom i pravnom fakultetu, Fakultetu tehničkih nauka i Pedagoškom fakultetu.

Član 2.

- (1) Osnovni uslov za upis na prvi ciklus akademskih studija je završeno četverogodišnje obrazovanje u Bosni i Hercegovini ili ekvivalentno obrazovanje u inostranstvu koje omogućava upis na univerzitetski studij u zemlji u kojoj je stečeno.
- (2) Učenici koji su završili srednjoškolsko obrazovanje u inostranstvu obavezni su izvršiti nostrifikaciju svjedočanstva ili diplome u skladu sa važećim propisima.
- (3) Strani državljanin i lice bez državljanstva može se upisati na studijske programe pod istim uslovima kao i domaći državljanin, u skladu sa Zakonom o visokom obrazovanju Brčko distrikta BiH i Statuta Univerziteta.

Član 3.

Detaljna prava i obaveze između studenta i Univerziteta biće zaključena ugovorom o studiranju.

Član 4.

- (1) Za upis u prvu godinu studija I. ciklusa studija polaže se prijemni ispit koji obuhvata znanja iz opšte kulture i programskog sadržaja srednjeg obrazovanja.
- (2) Student ima pravo upisa na drugi i treći ciklus studija, u skladu sa rezultatima postignutim na prethodnom, odnosno prethodnim ciklusima studija, te u skladu sa zakonom i statutom visokoškolske ustanove.

Član 5.

- (1) Student se upisuje na Univerzitet u statusu lica koje se sam finansira.
- (2) Visina školarine za 2024./2025. akademsku godinu je utvrđena Odlukom o određivanju visine školarine broj 01-32/23 od 28.03.2023. godine

BROJ MJESTA ZA UPIS

Član 6.

- (1) Na fakultete Univerziteta u akademskoj 2024./2025. godini u prvu godinu navedenih ciklusa studija prvi put će se upisati sljedeći broj studenata:

#	FAKULTETI I STUDIJSKI PROGRAMI	Broj studenata po ciklusu					
		I.		II.		III.	
		Redovni	Učenje na daljinu	Redovni	Učenje na daljinu	Redovni	Učenje na daljinu
1.	Poslovni i pravni fakultet						
1.2.	Pravo	35	140	25	140	20	80
	UKUPAN BROJ STUDENATA	35	140	25	140	20	80

- (2) Na odabranom studijskom programu upisani studenti imaju mogućnost usmjerenja u odgovarajućoj studijskoj godini, u skladu sa studijskim programom.

POSTUPAK

Član 7.

Kandidati koji konkurišu za upis, polažu prijemni ispit.

Član 8.

- (1) Redoslijed kandidata za upis na studijski program prve godine prvog ciklusa studija utvrđuje se na osnovu:
 - a) opšteg uspjeha postignutog u srednjem obrazovanju (uspjeh iz svih predmeta i razreda četvorogodišnje srednje škole) i
 - b) rezultata postignutih na prijemnom ispitu.
- (2) Broj bodova ostvaren na osnovu opšteg uspjeha dobija se tako da se prosječna ocjena iz svih predmeta četvorogodišnje srednje škole množi sa brojem 10 (deset).
- (3) Na prijemnom ispitu kandidat može ostvariti od 0 (nula) do 50 (pedeset) bodova. Po oba mjerila moguće je ostvariti najviše 100 (stotinu) bodova.
- (4) Izbor kandidata se vrši prema ukupnom broju bodova po oba mjerila na rang-listi.
- (5) Za upis na studijske programe pojedinih vrsta i vidova studija mogu se uvesti dodatni uslovi, u skladu sa zakonom i statutom visokoškolske ustanove.

Član 9.

Ukoliko se u provođenju konkursnog postupka ne popuni odobreni broj studenata za upis u prvom upisnom roku, Univerzitet će organizovati drugi, a eventualno i treći upisni rok, do popune slobodnih mjesta.

PODACI O ISPRAVAMA KOJE SE PODNOSE

Član 10.

Prijava kandidata na Javni konkurs vrši se na jedan od sljedećih načina:

- a) podnošenjem prijave i ostale neophodne dokumentacije na adresu: Petra Kočića br. 6, 76100 Brčko distrikt BiH, ili
- b) elektronskim putem na studentskaslužba.pa@privrednaakademija.edu.ba

Član 11.

- (1) Uz prijavu na Konkurs za upis na I. ciklus studija obavezno je priložiti:
 - a) diplomu o završenoj srednjoj školi, ovjerenu kod nadležnog opštinskog organa ili notara;
 - b) svjedočanstva za sva četiri razreda srednje škole, ovjerena kod nadležnog opštinskog organa ili notara;
 - c) izvod iz matične knjige rođenih;
 - d) uvjerenje o državljanstvu;
 - e) kandidati za upis na II. i III. ciklus studija prilažu diplomu i dodatak diplomi o prethodno završenom studiju u Bosni i Hercegovini, odnosno priznatu diplomu za kandidate koji su prethodni studij završili u inostranstvu. Studenti koji su završili određen ciklus studija i još uvijek nisu pribavili diplomu, mogu do izdavanja diplome i dodatka diplomi priložiti uvjerenje o završenom studiju.
- (2) Uz prijavu na Konkurs za upis na II. ciklus studija obavezno je priložiti:
 - a) diplomu o završenom I. ciklusu studija, ovjerenu kod nadležnog opštinskog organa ili notara;
 - b) dodatak diplomi ili uvjerenje o položenim ispitima na I. ciklusu studija sa prosjekom ocjena;
 - c) izvod iz matične knjige rođenih;

- d) uvjerenje o državljanstvu.
- (3) Uz prijavu na Konkurs za upis na III. ciklus studija obavezno je priložiti:
 - e) diplome o završenom I. i II. ciklusu studija, ovjerene kod nadležnog opštinskog organa ili notara;
 - f) dodatak diplomi za I. i II., ili uvjerenje o položenim ispitima za I. i II. ciklus studija, sa prosjekom ocjena;
 - g) izvod iz matične knjige rođenih;
 - h) uvjerenje o državljanstvu.

PODACI O ROKOVIMA ZA PODNOŠENJE ISPRAVA

Član 12.

- (1) Prvi upisni rok:
 - a) Prijavljivanje kandidata počinje 03.06.2024. godine a završava se 30.06.2024. godine;
 - b) Polaganje prijemnog ispita biće obavljeno 01.07.2024. godine u amfiteatru br. 1. Univerziteta „Privredna akademija“ Brčko distrikt BiH;
 - c) Raspored i satnica biće objavljeni na oglasnim tablama fakulteta i web stranici Univerziteta;
 - d) Objavljivanje rezultata konkusa je 04.07.2024. godine.
- (2) Drugi upisni rok:
 - a) Prijavljivanje kandidata počinje 01.07.2024. godine a završava se 31.08.2024. godine.
 - b) Polaganje prijemnog ispita biće obavljeno 02.09.2024. godine u amfiteatru br. 1. Univerziteta „Privredna akademija“ Brčko distrikt BiH;
 - c) Raspored i satnica biće objavljeni na oglasnim tablama fakulteta i web stranici Univerziteta;
 - d) Objavljivanje rezultata konkusa je 04.09.2024. godine.
- (3) Treći upisni rok:
 - a) Prijavljivanje kandidata počinje 07.09.2024. godine a završava se 07.10.2024. godine;
 - b) Polaganje prijemnog ispita biće obavljeno 08.10.2024. godine u amfiteatru br. 1. Univerziteta „Privredna akademija“ Brčko distrikt BiH,
 - c) Raspored i satnica biće objavljeni na oglasnim tablama fakulteta i web stranici Univerziteta;
 - d) Objavljivanje rezultata konkusa je 12.10.2024. godine.

Član 13.

- (1) Kandidat koji smatra da postupak rangiranja nije pravilno proveden, ima pravo prigovora u roku od 48 časova od objavljivanja rezultata.
- (2) Odluka po prigovoru donijeće se u roku od 48 časova od podnošenja prigovora i objavljuje na oglasnoj tabli i web-stranici Univerziteta.

ZAVRŠNE ODREDBE

Član 14.

Visina participacije i školarine utvrđena je Odlukom Upravnog odbora Univerziteta broj: 01-32/23, od dana 28.03.2023. godine koja je dostupna na web stranici Univerziteta.

Član 15.

Kandidat koji ne ostvari pravo na upis, niti potvrdi učešće na narednom upisnom roku, dokumenta predata uz prijavu na Konkurs lično preuzima u studentskoj službi Univerziteta.

Član 16.

Dodatne informacije pribavljaju se lično u studentskoj službi Univerziteta, na adresi Petra Kočića 6, putem kontakt telefona: +387 49 201 808, +387 63 356 377, mejla: studentskaslužba.pa@privrednaakademija.edu.ba, ili putem web stranice: www.privrednaakademija.edu.ba,

REKTOR

Prof.dr Željko Petrić